



古今事文類聚

遺集  
一之二

~~99~~  
~~93~~

逍遙文庫  
文庫 6  
28  
93





新編古今事文類聚遺集卷之一

建安 祝淵 宗禮 編

金陵 唐富春 子和 刊

三師部遺

三少

此下補新集三公之後

歷代沿革

周曰三孤

通典曰孤特也言卑於公尊於卿特置此

三人

秦漢而下省

後周置三孤以貳三公

職源

宋沿唐制置

三師以太尉司徒司空為三公元豐肇新官制於三師三公無所政和二年詔司徒司空周六卿之官非三公之任乃今之六曹尚書是也太尉秦官居主兵之任亦非三公太尉

新編古今事文類聚遺集卷之一

司徒司空並罷依周制立三孤之官乃次輔之任或稱三少為次相之任元廢 通典續會要

羣書要語少師少傅少保曰三孤貳公弘化宣亮天地彌于一

人書周官孤乘夏篆周禮以三少孤卿與九卿為九焉通典三

公立三少為之副少師少傅少保是為孤卿前百官公卿表篆

車希冕視秩於貳公歲表類

古今事實

輔一人治

副貳二公弘大道化敬信天地之教以輔我一人之治周官注

聽獄棘下

成獄辭大司寇聽之於槐棘之下注左九棘孤卿位焉記王制

公孤四命

公之孤四命以皮帛賦小國之君注九命上公得置孤一人禮

春官典命

孤卿特揖

司上正朝儀之位孤卿特揖注特揖一上揖之禮夏官

孤東面

射人掌國之三公孤卿之位孤東面夏官

東向北上

朝儀之位王南鄉三公北面東上孤東面北上禮司士

張幕設案

孤卿有邦事則張幕設案天官

禮文類聚

卷之一

二

孤乘夏篆

服車五乘。孤乘夏篆。卿乘夏纁。注謂夏篆五采畫轂約也。春官

孤服希冕

孤之服自希冕而下。注雜記曰大夫爵弁自祭享於廟惟孤爾。春官司服

孤執皮帛

大宗伯以禽作大摯以等諸臣。孤執皮帛。注皮帛者束帛而表以皮爲之飾。虎豹皮帛如今碧色縉也。天子之孤飾摯以虎皮公之孤摯以豹皮。春官

三耦射一侯

孤卿以三耦射一侯。一獲一容樂以采蘋五節。一正。禮射人

通寒暑

晉職官志九卿通寒暑

位九棘

朝士掌建邦外朝之法。左九棘。孤卿位焉。羣士在其後。注植棘以爲位者取其赤心而外刺。禮秋官

副公論道

孤王之孤三人。副二公論道者。禮掌次注

次輔之位

依周制立三孤之官。乃次輔之位。或稱三少爲次相之位。通典

# 少師

羣書要語微子若曰父師少師殷其弗或亂正四方書微子

貳公之位敘政和除童貫制俾陟亞師之列初寮揚戩制視秩

亞師蓋從熙制入乘夏象視三公絕等之崇戩表類

古今事實

問於少師

問於大師少師注曰少師孤卿比干也史宋世家

少師之責

天子燕業及其學左右之習詭其師答諸侯遇大臣不知文雅

之辭已語之道簡聞小誦不傳習此少師之責也大戴禮

以節度除

紹興九年節度使韓世忠除少師十年少傅節度使張俊除少

師二十八年少傅節度使楊存中除少師孝宗即位九月少傅

四川宣撫使吳玠除少師會要

罷僕射授

隆興二年除授特進尚書右僕射兼樞密使張浚可罷右僕射

特進少師保信軍節度使判福州以浚自劾求去故也

古今文集

雜著

覃恩辭免轉少師表

周必大

臣某言近具奏辭免覃恩除臣少傅恩命伏蒙聖慈特降詔書

不允者作君師而相上帝幸際龍飛虎天地而弼一人敢叨鴻

霈曲煩温詔增震危衷臣某中謝臣聞氣回天而萬物生邦有

慶而兆民賴惠澤固周於溥率等差宜別於重輕若輔佐居中  
捧東日於天衢之上或親賢在列拱北辰於霄極之間以此  
庸是云馭貴如臣者身藏歛歛景薄奄奄掛神武之冠方將有  
請揚王庭之號豈所當然夫何特揖之官亦在序陞之數懼貽  
清議抵控丹誠伏望皇帝陛下勉勵人材操持公器雖推恩不  
可以不廣而詔爵不可以不嚴已彰均上之仁蓋寢優隆之命  
大辭如慢非稀難進之風小智自私姑道貪夫之誚臣無任

# 少傅

羣書要語少傅為孤卿百官表  
元表赤烏進次傅之崇名  
政和除錢景臻制  
越陞亞傅之班  
初寮除余深制

## 古今事實

### 少傅之責

天子居處出入不以禮衣服冠帶不以制御器列側不以度采  
服從好不以童忿悅不以義與奪不以節此少傅之責也

### 張良畫計

漢高祖欲易太子張良為太子畫計曰上所不能致者四人今  
誠能畢辭厚禮請以為客時從入朝亦一助也及黥布反良說  
上以太子監關中兵上謂子房雖疾疆起傅太子以良行少傅  
事及破布歸上愈欲易太子及宴置酒太子侍四人者從上怪  
問之四人各言姓名帝大驚曰煩公卒調護太子太子竟不易  
者皆良招四皓力也

自少保除

紹興六年少保節度使張浚除少傅七年少保節度使楊存中除少傅三十二年少保四川宣撫使吳玠除少傅

奏事特授

紹興三十二年孝宗即位張浚特授少傅進封魏國公浚以樞密使都督江淮軍馬入朝奏事繼有是命

古今文集

雜著

謝復少傅表

周必大

閱呂刑之實周典素輕還疏傳之官漢恩彌重丹書洗滌皓首  
兢榮臣某中謝伏念臣坎凜孤蹤摧頽暮景冒寵光而最久積

罪戾以殊深比致頌言分其嚴譴獨賴神聖之眷許存孤保之  
官僅閱再期未經三省駭新綸之驟下恍舊秩之自來茲蓋伏  
遇皇帝陛下徧覆無殊容光必照刑非樂用汝自速辜恩弗遺  
遺予無作好誕布發生之德俯知老退之臣大誠薄德昔忝承  
人之福初迷後順今晞君子之行惟誓糜捐以圖報稱臣無任

少保

羣書要語

少保為孤卿

百官表

峻陛亞保位孤棘於外朝初寮

除余深制

眷予孤保

除鄧昭武制

古今事實

少保之責

事文類聚

卷之一

天子居處燕私安而易樂而耽飲食不時醉飽不節寢起早宴無常玩好罍美無制此少保之責也大戴禮

未嘗輕授

紹興元年少保左僕射呂頤浩罷少保除特進先是頤浩言少保之官自陛下臨御未嘗輕授望追寢成命除一階官故有是詔至七年三月自鎮南軍節度使開府儀同三司充浙西安撫制置大使兼知臨安府始除少保會要

求去特授

乾道八年九月左丞相華國公虞允文特授少保武安軍節度使充四川宣撫使進封雍國公以承去故也

左僕射授

隆興元年十一月左僕射授信國公陳康伯特授少保大觀文進封福國公判信州

節度使除

紹興五年武成威德軍節度使開府儀同三司充鎮江建康津東宣撫使韓世忠除少保紹興六年兩鎮使相江東宣撫使張浚除少保紹興九年六月武勝定國軍節度使岳飛除少保紹興十一年保成軍節度使開府揚全忠除少保紹興二十九年奉國軍節度使判興州吳玠除少保同上

古今文集

雜著

辭免少保劄子

周必大

東坡文選及遺集

卷之二



殊私曲被駭汗交流臣聞賞當其功謂之慶授非其人謂之僭  
 邇者壽皇聖帝親以大寶傳授聖明當行慶施惠之初夷夏傾  
 耳以聽號令臣於斯時誤尸宰事所宜務贊陛下愛惜名器脩  
 明紀綱豈容身自僥踰或愆於義伏况孤保之任專待勳德前  
 後輔臣得此者鮮而乃首揚大庭之號加臣非分之寵本欲行  
 慶反近潛賞其為初政之累也大矣臣今未敢奉行制命蓋將  
 必冀寢免若謂溥博之恩徧及臣庶不使微臣獨未害被則臣  
 固嘗回奏乞許回授私心公論庶皆合宜伏望聖慈特賜矜允  
 于犯天威臣無任兢惶懇切之至

再辭免少保劄子

周必大

臣猥以凡才久事陛下於東宮今值君臨萬邦又得備位宰輔

其為榮幸殆非象比覃沛所加臣何敢固辭惟是三孤重任與  
 尋常遷轉不同非親非賢非有大功未始輕畀臣實何人乃敢  
 當此若謂恩繇近始理難獨遺臣固已屢奏乞許回授儻蒙陛  
 下曲從所請則是國之大慶非不害被而况制命告廷人皆知  
 陛下待臣禮意甚寵今者自緣揣分量才再三控避陛下不得  
 已而聽之在臣居之則安於國又免僭賞其為大賜吳密丁官  
 而已臣已再上表陳免謹具劄子申教懇款必冀天慈即賜俞  
 允臣無任惶懼俟命之至

辭免少保表

周必大

該輔無功際九五御天之始疏榮有命居二三執政之先左備  
 控於忱詞已隨頒於溫詔明知踰分敢避瀆尊臣某中謝臣竊

惟左棘之聯時乃回槐之貳周官立訓資兩儀更亮之功漢志  
番謨任萬乘燕私之責歷代久忘於古誼政和初定於宏規必  
酬勲德之隆或待親賢之茂上匪虛授下難冒居如臣者與資  
迂愚遭世休頭大言則望大利每愧事君小材不離小官自其  
累日詎期頽歲連陟崇階會逢離照之明更下異申之命式是  
百辟久不稱於儀圖茲惟三孤顧豈容於官備伏望皇帝陛下  
道無私覆明以公生謹旌褒者當在政初抑僥倖者必繫貴始  
特回誤寵姑許馳恩既免累于清朝亦獲安於素守臣無任

再辭免少保表

周必大

惴惴之言踵詔音而上瀆丁寧之訓勤敷使以來宜稟危慮之  
未安控堅辭而弗已臣某中謝臣竊以龍飛之慶溥及華夷蠢

動之微咸霑雨露幸叨居於輔佐例羈被於光榮儻大義之罔  
愆在小廉而可畧惟今卑保乃昔司空有德者不必真除况臣  
無彌諸之德有勞者未嘗序進况臣無翊戴之勞直緣會遇於  
一時遂假寵靈於二少自猶知其弗稱人豈謂之當然蓋取非  
其分則欠身而與過其宜則累國是敢懇懇前旒之側且將切  
切累牘之中期道滿盈以逃譴負向上紆於宸眷復申戒於次  
諸施重丘山懼深淵谷伏望皇帝陛下持爵馭其臣之要稽賞  
延於世之文許以貴名馳之賤息如是則恩從隗始已毋廢於  
舊章民具尹贍亦免干於新政臣之幸也天必從之臣無任

謝除少保表

周必大

天開禹績親承曆數之傳德愧尹躬叨被保衡之拜控辭弗獲

祇受為慙臣某中謝臣惟祖宗之盛時多卿相之舊德勲業光  
 于簡冊聲名重於朝廷正唯爵位之高允謂事功之稱如臣不  
 肖敢企前修曾微一善之稱偶際三朝之盛麟臺憲府登蒙高  
 廟之親除螭陛綸闈嘗侍壽皇之初政晚備中台之數再逢內  
 禩之期首告大庭超加異渥念單書自近司而始稽舊章無回  
 授之文跼蹐拜嘉怛怛就列茲蓋伏遇皇帝陛下乾飛有作離  
 照無疆憐臣昔備官僚父承恩獎謂臣今居宰席密佐聖明特  
 厚寵華式昭榮遇統百官而均四海已知任職之難日三孤而  
 彌一人當究多官之義未知報塞徒誓糜捐臣無任

# 檢校官

歷代沿革

檢校本加官自唐以來有之凡內職崇班今修武郎

武臣副率以上初除及該恩皆帶若文臣則樞密宣徽節度

使始帶焉自三公謂大尉司徒司空三師僕射尚書僕射尚

書常侍至賓客祭酒凡十餘等元豐官制武臣承宣使已下

皆罷惟存檢校三公三師以待節度使之久次者政和後改

三公為三少若武臣累加至檢校少師則拜太尉文臣累加

至檢校少師則拜開府儀同三司安南國王初襲封加檢校

太尉經恩加檢校太師諸蕃刺史州則檢校太子賓客此外

皆不帶云朝野雜記

羣書要語

仍益校職之美悉欽朝賞之華胡文恭除范全檢校

制職三階於宰路

除留正檢校少保制

古今事實

元豐皆罷

唐有檢校官國朝之制檢校官一十九三公三師六左僕射至水部郎共十三元豐官制行左僕射以下皆為職事官故罷之凡三師三公除授自司徒遷太保太保遷太傅太傅遷太尉太尉遷太師檢校官亦如之續會要

政和後置

政和二年罷太尉司徒司空以少師少傅少保為三少後亦置檢校官紹興七年士裏檢校少師錢忱檢校少保同上

古今文集

雜著

論建節加檢校

朱元晦

三公三孤以師道輔佐天子後世官職益紊今遂以三公三孤之官如階官貼職之類不復有師保之任論道經邦之責矣舊來猶是文臣之有勲德重望者方得除此以其有輔教天子之名故也後世或以諸王子或以武臣為之既是天子之子與武臣豈可任師保之責邪訛謬承襲不復釐正祖宗之法除三公三公者必須建節加檢校太子少保少師之類然後除開府儀同三司既除開府然後除三公三公南渡以來如張韓劉岳諸武臣猶是如此外皆不帶今則不然既建節便抹過檢校徑除開府至三公三公矣晦菴語錄

樞密院部遺

事類彙編

# 宰相兼樞使

此下補新集樞密院之後

## 古今事實

唐始帶印

樞密使帶相印為樞相自後唐始

國朝會要

國初始兼

國初魏仁浦以宰相兼樞密使後罷

會要

宰相兼判

慶曆二年一邊用兵富文忠公言邊事係國安危國初范質王溥以宰相兼參知樞密事今兵興宜令宰相兼領仁宗然之令中書同議樞密院事呂許公時為首相以內降納上前曰恐樞

密院謂臣奪權時諫官亦論宰相宜知兵事遂降制以宰相兼樞密或曰一府體均判字太重於是復改為兼樞密使

揮塵錄

建炎復兼

建炎四年以宰相范宗尹兼知樞密院罷御營以其事歸樞密院機速房自慶曆後宰相不兼樞密者八十餘年其復兼自此始紹興七年令宰臣張浚兼樞密使趙鼎秦檜亦以左右僕射兼

中興會要

紹興中罷

紹興二十五年檜明年詔曰比緣軍興令宰臣兼樞密使典掌機務今邊事已定可依祖宗故事更不兼領二十六年五月罷兼樞密院

同上

史浩論兼

紹興二十二年孝宗即位參政史浩論樞密合使宰相兼使事因引富弼對仁宗故事上曰正合朕見詔宰相依舊兼樞密使孝宗會要

議密院事

慶曆二年上曰樞密非古官未欲遽改止令中書同議密院事

數建利害

仁宗親政拜晏殊樞密使加同平章事身殊復召用而趙元昊反師出陝西天下弊於兵殊數建利害請罷監軍以陣圖示諸將使得應敵為攻守及制財用為出入之要皆有法仁宗悉施行之晏殊傳

古今文集

雜著

乞公宰相兼樞密使劄子

周必大

臣伏見仁宗皇帝慶曆二年秋晏殊為樞密使王貽永副之會西邊出師用諫官富弼之言詔宰相呂夷簡章得象並兼樞密使今北方情偽罔測正陛下經武整軍之時比之西邊事體尤重兼中興以後自有近例欲望聖明稽參故實命王淮梁克家兼總樞務既合公論亦叶權宜臣累月來屢與施師點商量方敢奏稟如蒙允許自當悉心竭力贊萬一決不敢懷安避事仰辜任使取進止

古詩

慶曆聖德詩

石介

惟仲淹弼一夔一契天寶齊予其敢忽曰衍汝來汝予黃髮  
遂長樞府兵政無蹶予早識琦琦有奇骨可屬大事重厚如勃

# 知樞密院

歷代沿革晉天福初桑維翰以翰林學士尚書禮部侍郎知樞

密院事知院之名始此分紀宋初不置淳化二年樞使王

顯出鎮始以張遜知樞密院事續會要知樞密院同知院並

正二品知院掌佐天子執兵政而同知院為之副凡邊防軍

務常與三省分班稟奏事于體要則宰相執政官合奏神宗

正史職官志元豐官制行廢樞使政和末鄧辛公管至少保

猶止為知院焉初宰相兼樞密只兼知院

羣書要語樞使知院典機務掌兵政出納密命以佐邦治續會

要知院掌佐天子執兵政而同知為之貳同上宜總鴻樞溫公

集丹地廻翔便總萬機之仁歲表類

## 古今事實

### 專掌兵籍

李綱除知樞密院奏云祖宗之法樞密院專掌兵籍虎符二衛

管宣諸路帥臣主兵柄各有分守所以維持軍政萬世不易之

法也傳信錄

### 被命鴻樞

李綱以右丞相被命樞密奏云伏蒙聖恩除知樞密院事以被命

鴻樞真統兵機宜得魁奇英偉之人以居其任 同上

周知世務

李諮字仲詢謚憲成爲知樞密院事諮性明達周知世務處劇  
若閒暇在樞府抑能倖號爲稱職京都事畧

古今文集

雜著

辭免知樞密院事劄子

周必大

臣聞命震惶不知所措臣竊以西樞分職兵柄在焉本朝雖委  
用傳臣亦須有文武才略識籌戎事體且望實素爲中外所信  
服者然後舉而用之乃能仰副注倚俯協公儀如臣不肖論  
而性拙徒以章句之學久被簡知服在論思已爲忝冒驟參機

政彌愧超踰敢意誤恩進籌帷幄陛下聖謨獨運神武布振  
執事之臣不過稟劄於上行文書於下縱殫薄技難企清光  
然而官匪其人國家奚賴才不稱位有衆何觀祇竭忱誠仰祈  
鴻造冀回渙渥既授英才俾仍舊班免貽非據之誚其爲榮幸  
殆與進擢均矣

辭免知樞密院事表

周必大

左轄揆官宜首加於幽黜右樞分職敢遽冒於顯除雖尺一之  
頒理不可違然再三之瀆誠亦難已臣某中謝臣竊以本兵地  
要率屬選高觀累朝之求賢暨明主之籲後或取其久更帥閫  
遂畱任而勿疑或爲其嘗貳幾廷越進遷而示寵故望以徇  
而如重智因練歷而愈明試可若斯貪諧必矣惟臣之顛無一



而宜所窺者率皆古昔之陳篇所供者不過薄書之常守心豈  
識軍戎之要足未趨宥密之嚴方一柄之明分乃一朝而躡進  
聖神在上若爲衆前者之籌誓艾滿朝徒使愧後新之積奇不  
力祈於避免殆將立抵于謹呵伏望皇帝陛下以稽古之聰明  
鑒用人之得失收還誤渥改授實能天祐高皇必有子房之夾  
勝人歸宣在無吉甫之憲邦罔俾愚臣或妨賢路

謝知樞密院事表

周必大

獨化陶鈞之上天啓聖謨折衝樽俎之間人需賢德孰云庸懦  
堪此選除望唯懼以彷彿拜絲綸而懷慄臣某中謝臣聞兵布  
于外是爲爪牙權歸于中實寄心腹上下有相維之勢古今存  
不易之規廟勝所關才難爲其如臣者駑駘劣窳培塿形卑初

非致遠之才敢起升高之念而遭逢華且忝竊殊知三載神畿  
徧歷清華之地十年禁彙遂參輔拂之聯戴恩奚啻於丘山論  
報未施于涓滴所期汰免何意褒遷越繇黃闥之嚴陛踐紫樞  
之峻惟乃聖乃神之真主方高出於百主豈不文不武之具臣  
可迭居於二府懇辭弗獲祇受爲慙茲蓋伏遇皇帝陛下政急  
內脩策先自治宅中曷大既隆道德之威詰禁制軍不廢甲兵  
之問姑緣人乏猥用臣愚臣敢不激勵壯心贊襄先務外攘夷  
狄願觀復古之勳載戢干戈尚觀垂衣之化

同知樞密院

歷代沿革五代有參知樞密院事詳見樞密院宋初開淳化二

皇代沿革五代有參知樞密院事詳見樞密院宋初開淳化二

年王顯出鎮張遜知樞密院事始以温仲舒寇準同知院同知之名自此始也會要元豐官制行廢使副存同知職源紹興中高宗以本兵之地事權宜重依祖宗故事置樞密使而知院同知院亦仍舊由是並除

羣書要語任峻樞密楊文公集參司樞務同上協宣機政六一

集預議樞密蘇魏公集自聯基宥憂告謀猷同上參贊樞密曲

阜集丹地鴻樞亦預聞於政事牋表類贊一人之休必資耆德

握萬兵之本爰賴舊臣蓋知其務者可以應務而不窮又於事

者可以臨機而無惑宜煩故老就翊洪樞元祐中趙瞻拜同知

古今事實

王范參知

周顯德六年命司徒平章范質禮部尚書王溥並參知樞密院五代史

專主謀議

向文簡公敏中同知樞密院明辨有才略處事敏速樞機之任專主謀議時西北用兵至於一邊道路斥候走集之所莫不周知事畧

托腹心寄

呂公著復同知樞密院事神宗手詔曰顧在廷之人有可以托中外腹心之寄均皇家休戚之重無逾卿者可亟起視事收之桑榆

呂公著拜同知樞密院事公著謝因奏曰臣老於闕外蒙陛下

收之桑榆唯知拳拳納忠以報恩遇並同上

起自負外

向敏中自負外郎為諫議知樞密院止百餘日歸田錄

權衡人才

命端明殿學士呂公著好士出於天性士大夫有以人物為意者必問其所知所聞參覈以待上求上嘗謂輔臣曰公著之於人材其言不欺如權衡之於稱物焉通畧

筆識諸將

劉忠肅公珙字共父乾道三年擢同知樞密院公以本兵柄於諸將之能否不可以不周知乃自諸管軍統領官下至裨將佐日召三四人與語得其材用所宜輒筆識之以待選用晦庵文集

論用宗室

趙丞相汝愚始除同知院力辭引高宗聖訓宗室用至待從郎止之語壽皇召學士答詔諭以紹興聖訓用折秦檜陰謀蓋有為而言也實錄

問為治要

張忠定公壽字子公孝宗受禪召除同知樞密院事問為治之要公言內治乃可以外攘願詔百執事赴都省給札條具上大喜於是士夫欲言不能自達者繼悉聞夫言行錄

修時政記

樞密院時政記編脩官刪潤同知院事脩孝宗會要

古今文集

雜著

辭免同知樞密院劄子

樓鑰

誤恩狎至小已增慙伏念臣頃備論思久投閑散荷皇明之收  
 召加寵渥以便養俾參樞筦之班仍預儲局之客已為過幸每  
 懼弗堪曾暖席之未遑俄歷階而使進本兵至重寧容濫吹之  
 人偃伯云初茲豈養痾之地尚蔑一毫之效遂叨二府之真念  
 朝行之髦士甚多况天下之逸民未舉不應邈列乃以序遷欲  
 望皇帝陛下俯鑒由衷母嫻反汗遴選英才而圖任姑令瘴暑  
 之少安亟賜俞音免貽羣議

辭免同知樞密院事表

樓鑰

宥府選察忽叨再命需章避寵尚閱一俞爰存瀆於宸聰真終

回於渙渥臣某中謝伏念臣引經納祿奉詔還朝始膺典選之  
 除適與和戎之議既不能出奇策以強國勢又不能抗高論以  
 竊時名深惟世務之宜遂定從官之論鄰盟既講邊備粗寬魏  
 降何功姑欲就威懷之得利張昭雖老當使知將相之有人賴  
 聖慈俯徇於和親在臣下盍為之引咎自愧寡謀之甚難陪基  
 命之司殆無地以寄顏惟竭誠而報主日圖內治之要未知所  
 先靡厭眾言之求尚不暇給有何勞効遽被推遷不勝據疾之  
 憂徒謹循牆之走伏望皇帝陛下俯垂淵鑒洞察愚忠豈惟微  
 臣懷以榮為懼之恐仰祈睿美篤居安慮危之心精求文武之  
 才用贊樞機之任

謝同知樞密院事表

樓鑰

遼省密之班未知圖報拜便蕃之渥弗許終辭自揆僥逾實深感惕臣某中謝竊以皇家嚴一府之建任固匪輕機庭分四等之差官毋求備賢相並兼於使領副樞實贊於事幾既曰才難豈容序進伏念臣少無可用老尚何堪扶病以對便朝幸不違於咫尺疆顏而居舊者顧奚補於毫分假寵以多巧閑未得敢謂七旬之後員案兩地之榮昇與國熙載之官已為過分加淳化寇準之職尤愧無名偶緣廷告之同時因與政途而接踵在法當從既超筆彙之聯計日而言僅周天地之數併增米食游披匪瀆茲蓋伏遇皇帝陛下茂建大中丕乘輿運謂股肱所寄方彙進於時髦雖筋力既衰亦使陪干末議未遑席暖復俾階升臣敢不仰戴隆私益堅素守邊陲甫定願禪內治之謀里社

相望期遂歸休之請

# 檢詳

歷代沿革檢詳之職古無之宋熙寧四年詔以編脩經武要略官四人王存陳侗陳奉世蘇液檢詳樞密院諸房文字札遇視中書檢正官元豐三年詔定置二員及改官制檢詳官尋罷續會要建炎二年樞密院請依祖宗朝置檢詳諸房文字兩員敘位在左右司之下紹興二年詔樞密院已置都承旨一員減檢詳一員樞密請置二員從之中興會要三十二年詔樞密院諸房令檢詳書擬從左右司請也乾道二年詔樞密院檢詳係掌朝廷機要文字不許出謁及接見賓客亦令

各文員後遺集

遵兩省官施行

古今事實

擢置樞掾

熙寧五年詔檢詳文字劉安世自擢置樞掾奉職不苟可除集賢校理實錄

右府設屬

神宗朝除范育檢詳文字制曰右府典領樞機而設屬于下以覈其事李清臣行狀

言養兵法

呂大忠檢詳樞密院吏兵房文字令條義勇利害大忠言養兵猥衆國用日屈漢之屯由唐之府兵善法也弓箭手近於屯由

義勇近於府兵擇用一焉兵屯可省矣東都事畧

右選歸心

陳居仁字安行樞屬闕員方以著廷名進擬上曰陳居仁今爲何官對曰爲郎上曰豈有人材如居仁而可久爲郎者乎即除樞密院檢詳文字一府不受私請差遣恩例悉令投牒送檢詳所公爲之考令申酌故實可吝立決右選翕然歸心樓攻魏集

密謀誅叛

劉子羽樞密院檢詳文字張魏公同知樞密范瓊來赴行在張奏瓊大逆不道獨與子羽密謀夜召子羽及選密院謹飭吏數人謀作文劄榜皆備鎖更于府中翼早公赴都堂召瓊議事瓊從兵隘塗巷意象自若坐定子羽亟取寫勅黃紙詣前揖瓊下

曰有敕將軍宜下大理置對命縛瓊送大理寺子羽已張榜于  
省門親以旨勞瓊眾頓刃應諾瓊論歿兵分隸神武軍海庵文集  
令撰詔檄

紹興二十一年元顏亮叛盟時洪文敏公邁任樞密院檢詳宰相傳旨令撰書詔榜檄家傳

### 編脩官

歷代公董編脩官之職古無之宋慶曆四年史館王洙承旨單士寧編脩例冊編脩之名自此始分紀熙寧三年以館職王存顧臨等同編經武要略兼刪定諸房例冊元祐四年詔密院條例久未編脩又自官制後舊事隸他司所存者亦未刪

正命承旨司取索編脩以奉議郎蔡駟宣德郎衛規允編脩官續會要舊以四員為額紹興兵興裁省其半三年樞密請置檢詳二員編脩止存一員後復中興會要編脩官隨事置無定員以本院官兼者不入銜

羣書要語爾以編削之才遊樞機之府龍溪除張顯制

### 古今事實

#### 經武要略

熙寧二年樞密院乞將祖宗以來法制所宜施行於久遠者並與刪取大旨著為畫一及聖政釐革條章檢尋本院文書以次紀錄其事曰兵制凡招揀屯戍訓練之類皆附焉曰馬政曰邊防曰夷狄曰屬國曰守城曰器械曰捕盜曰選材曰責效各

以其事類相從一如兵制候編成策仍於逐門各置空紙以備書載將來處置事件從之詔以經武要略為名會要

編錄條例

熙寧九年宣徽北院使王拱辰言本院前後降宣制條例文字及逐旋聖旨指揮不可遺墜乞行編錄所貴朝廷故事永久可備檢用從之六月拱辰辟著作郎何詢直充編脩官就本院置局十年八月編成條例并目二十五策上之十二月罷局詢直減一年磨勘

刪潤條法

紹興三年樞密院言本院雖有編脩官四員止是刪潤條法又裁省其半中典會要

刪定時政

孝宗朝編脩官張淵言樞密院時政記本本院諸房應降聖旨按月作時政記編脩官刪定近蒙朝廷止作錄送付下乞今後刪定記止據憑錄送到文字依舊按月修進從之孝宗會要

刪定例冊

熙寧二年命著作佐郎館閣校勘王存陳侗大理寺丞館閣校勘顧臨並差編脩樞密院經武要略刪定諸房例冊以樞密院副承旨李紱管勾至九年秋畢上之會要

次第文書

神宗朝除周華樞密院編脩官制曰樞密之府自祖宗以來釋惠持危應變之大計與夫將相議論之臣密謀要策皆具在此



而文書質亂者雜而無紀綱故擇能臣使次第之荆公文集

### 樞庭備檢

王鈺樞密院編脩纂集祖宗兵制書成上覽之稱善命改京官賜名樞庭備檢中興係年錄

### 召問兵學

顧臨編脩樞密院經武要略神宗召問以兵學臨對兵以仁義為本仁者愛入義者循理動靜之機安危所繫也國史

### 名震天下

胡忠簡公銓紹興兩宮未歸母后春秋已高故與大臣決策從雅獨樞密院編脩官胡公銓上書數百言王倫秦檜孫近願等三人頭羈留虜使與問罪之師當是時一胡編脩名震天下勇

者服怯者奮下至武夫悍卒遐方裔土莫不傳誦其書樂道其姓字爭願識面雖北虜亦因是知中國之不可輕扶立世教非聖世之伯夷耶周平園集

### 與聞國論

隆興間臺諫言黃文昌疏云編脩官雖專以編錄本院時政記為職然既係樞密官屬亦得與都承檢詳到宰執閣與聞國論孝宗實錄

## 檢正

補新集省屬之後

歷代沿革檢正之職古無之宋熙寧二年詔中書五房各置檢正二員在堂後官之上都檢正一員在五房提點之上皆以

士人為之石林燕語

元豐五年官制行罷檢正職務分歸中

書舍人給事中左右司郎官

續會要

建炎三年都省言軍興

以來天下多事欲差官二員充中書門下省檢正諸房公事

一員檢正吏禮兵房一員檢正刑

位序在左右司上於都

堂置直舍從之四年罷紹興二年詔復置一員紹興三年

宗已即位未改元詔尚書省吏房兵房三省樞密院機速房

尚書省刑房戶房工房三省樞密院看詳賞功房尚書省禮

房今左右司分房書擬其中書門下諸房令檢正書擬中典

會要乾道八年詔都承檢正左右檢詳編脩每日通輪宿直

續會要

群書要語國家即位以來百司紀綱日失其序詔令稽滯吏媮

不復思得時髦之英任吾宰屬之職淳熙制爾為宰士考校詳

當所補滋多范鏗除都檢正制

宰旅

宰掾

並職略

古今事實

宜選士人

熙寧二年中書門下言奉旨議中書創置士人為屬官伏以中  
書統治百官以佐天子政事而所置吏屬尚仍舊制宜高選士  
人稱依先王設教置輔之意今欲置檢正五房公事一人逐房  
各置檢正公事二人並以朝官充或用京官若選人即為習學  
公事見宰相參政如常朝官之禮會要

書功過簿

孝宗朝臣寮言熙寧中創置檢正五房公事官一員每房各置

檢正二員書功過簿以核羣吏之失其程督之嚴如此會要

執筆入記

神宗開天章閣對輔臣呈官制除自詔中書檢正官聞王震江陵吳雍執筆入記聖語面授震左司員外郎使自書時論榮之九朝通略

進文嘉覽

鄧潤甫字溫伯為檢正中書戶房公事詔取所進文上嘉而覽之遷集賢校理直舍人院國史

博覽古今

沈括字存中博覽古今於書無所不通熙寧間除太子中允為檢正中書荆房公事東都事畧

非所好官

劉忠肅公摯字莘老王荆公初秉政搜擇人才任以不次元公絳數以公為言荆公一見遂器重焉擢為中書檢正居月餘默然非所好會除御史欣然就職言行錄

以備侍從

初議中書置直神宗以為必不能得第一等人才王安石曰中書屬官須精擇可以備臺諫侍從者實錄

中書備對

大觀中李夔奏元豐間神宗命檢正官畢仲衍纂集內外事物綱目為中書備對以其官吏流品戶口錢穀之數以知禮法文物軍兵名額之數以知刑罰赦宥之事夫役之數小大精粗無

乎不構續會要

彌綸省闈

奚陟歷右司郎中彌綸省闈並唐本傳

轄諸司事

尚書省左右司郎中各一人左司郎中副左丞所轄諸司事署錄自勛稽失知省內宿直之事若右司郎中闕則併行之左右司員外郎各一人掌付十有二司之事以舉正稽違省署符目都事監而受馬凡都省掌六司之綱紀與百僚之程式以正邦理以宣邦教唐職官志

精簡得人

太宗朝劉洎言曰尚書萬機乃為政本比者綱維不舉並為勳

親在位品非其任功勢相傾將救茲弊且宜精簡四員左右丞左右司郎中如竝得人自然綱維一舉亦當矯正趨競豈惟息其稽滯哉唐書

掄選有序

吳王潛為左司郎中典選事時喪亂之後官失其守甲簿湮沒潛雍容款接坐客常滿隨才而接人人自以為得徐知誥相吳掄選有序潛之力也九國志

分治省事

左司郎中右司郎中各一人正六品左司員外郎右司員外郎從六品掌受符六曹諸司出納之事而舉正其稽失分治省事左司治吏戶禮奏鈔班簿房右司治兵刑工案鈔房而開折制

置御史催驅封椿知雜印房則通治之

會要

詔替省務

宣和六年左司王藩奏都司以彌綸省司為職事無不預令宰相入省諸房文字填委次第具呈自朝至于日中或昏暮僅絕其勢不暇一一檢閱細故而省吏徑稟宰丞請筆以草檢令承

通知省政

中興初除傅崧為檢正制曰宰士止於中臺之屬不與聞命令之原故又置檢正以通知三省之政汝其摘過差以裨國論程期會以檢吏奸汪藻行狀

政事所出

紹興除陳夔檢正制曰檢正之制自我神祖一省政事所出

新編古今事文類聚遺集卷之二

建安 祝淵 宗禮 編

金陵 唐富春 子和 刊

省官部遺

總學士

此下補新集平章之後

歷代沿革 宋朝殿學士有觀文殿大學士學士資政殿大學士學士端明殿學士殿學士資望極峻無吏守無典掌出入侍從備顧問而已觀文殿大學士非曾為宰相不除觀文殿學士資政殿大學士及學士並以寵輔臣之去位者端明殿學士資政殿大學士久次者始除兩朝國史志近歲以待簽樞云職畧學士字

# 觀文殿大學士

**歷代沿革** **宗**朝觀文殿即舊日延恩殿也慶曆七年以文明殿  
 學士稱呼同真宗謚號乃改名紫宸殿後又以紫宸殿非人  
 臣所可稱呼乃以延恩殿更名觀文殿會要皇祐元年詔置  
 觀文殿大學士寵待舊相今後須曾任宰相乃得除授時賈  
 昌朝由使相右僕射觀文殿大學士判尚書都省觀文殿置  
 大學士自昌朝始詔畧見事實注二年詔班在觀文殿學士  
 之前六尚書之上會要自是曾任宰相者出必為大學士熙  
 寧中韓絳宣撫陝西河東得罪罷守本官四年用明堂教授  
 觀文殿學士宰相不為大學士自絳始續會要

**羣書要語**

惟茲祕殿之嚴

歐陽修除劉沆制

書殿之職號為清

**優賜**

賜龐籍詔

取清書殿同上謝表

**古今事實**

寵待舊相

事見前官制

榜以嘉名

皇祐間詔置觀文殿大學士略曰因延恩之別殿觀前代之祕  
 文榜以嘉名且為諸禁戒且為訪道之所以延稽古之臣猶慮昔  
 艾之姿嘗居臺宰之任或因均逸姑務親仁備經術之咨詢廣  
 政稅之延訪

# 觀文殿學士

歷代沿革 觀文殿乃隋煬帝殿名 **宋朝** 觀文殿即舊延恩殿初

為文明殿學士 四朝國史 慶曆七年宋庠言文明殿學士稱

呼正同真宗謚號兼禁中無此殿額其學士理自當罷之釋

見今正朝或祕殿以各學士易之乃詔改為紫宸殿學士以

參知政事丁度為之 會要 時學士多以殿名為官稱丁遂稱

曰丁紫宸 歸田錄 八年御史何郊以為紫宸不可為官稱於

是改延恩殿為觀文殿 歐陽公云觀文乃隋煬帝殿名理宜

變之蓋當時不知然則朝廷之上果不可以無學也 **即殿名**

**置學士** 會要又呂氏家塾廣記云觀文殿學士位資政殿學

士上蓋初置觀文殿學士時已有為大資政者故於上加

此美號朝廷亦知不當以學士壓大宰士但常有入充此二

者故久而不能革正可因無人為此一戰時正之也 **以**

**度為之** 東齋記事 自後非曾任執政者弗除 續會要 殿學士中

王韶以熙河功元豐中王陶以官僚雖未歷 府亦除是戰

蓋異恩也然韶猶兼端明殿龍圖學士 續會要官制舊典

**羣書要語** 升觀殿之華資 宗澤贈觀文殿學士詩詞 宜升殿帳

之嚴 元祐除蔡確制

**古今事實**

集瑞祕庭

慶曆八年詔略曰惟延恩之寶殿乃集瑞之祕庭福况所開深

嚴莫一矧先正齊心之地咨冲人覽古之懷仍建崇儒之秩且

為備問之榮宜以舊延恩殿為觀文兼改紫宸殿學士為觀文

學士

# 資政殿大學士

**歷代沿革** 宋朝資政殿在龍圖閣之東序景德二年王欽若罷參政真宗特置資政殿學士以寵之在翰林學士下欽若不悅訴於上曰臣向自翰林學士拜參知政事公無罪而罷班及在下是貶也真宗特為置大學士以處之十一月復以欽若為資政殿大學士班在文明殿學士之下翰林學士承旨之上資政殿置大學士皆自欽若始自真公班翰林承旨上丁時以為殊寵祥符初向文簡公以前宰相再入為東宮留守復加此職自是訖天寶末二十餘年不以除人明道元年

李文定公知河陽召還始再命之景祐四年王沂公罷相復除三千年間除二人而皆前宰相也宋宣獻公罷參知政事仁宗眷之厚因加此職自真公後非宰相而除者惟宣獻一人而已康定二年右正言梁適請遵先朝故事定以員數於是詔大學士置二員學士三員 並會要

## 古今事實

持授舊臣

舊制資政殿學士並以寵輔臣之去位者元豐中韓維陳薦皆以東宮舊臣故特授焉 續會要

贈會秘閣

何敏中為資政殿大學士敏中赴上賜會于秘閣兩制與焉



# 資政殿學士

歷代沿革 **宋朝** 康定二年詔學士置三員 會要餘見前大資類

也

**意書要語** 增秩秋曹兼榮月殿 楊億代表 進書殿之寵名 頒真

宮之優秩 曲阜除孫永制 祕殿宏開皇墳允集 又曰著作禁林

特異深嚴之選 楊億代表 祕殿降名 來城除李易制 兼華祕殿

呂正獻謝表 書殿崇儒之班 曲阜行蔡卞制 設別殿之取寵名

儒之賢 胡文恭行富弼制

# 端明殿學士

歷代沿革 端明殿即西京正衙殿也 退朝錄 **後唐** 天成元年明

宗即位之初四方書奏命樞密使安重誨進讀情於文義孔

循獻議始置端明殿學士命馮道趙鳳俱以翰林學士充班

在翰林學士上後有轉改止於翰林學士內選任初如三館

例或在官下趙鳳轉侍郎諷任園特移或在官上後遂為故

事 **晉** 天福五年廢開運元年復 五代史 **宋朝** 太宗時程侍郎

羽為之後隨殿名改為文明殿學士慶曆中改文明為紫宸

後改紫宸為觀文 其改置本未見觀文殿學士門 明道二年

改承明殿為端明殿復置端明殿學士以翰林侍讀學士宋

綬為之在翰林學士之下自明道訖元豐無前執政為之者

近來以待學士之久次者元豐中以前執政為之自曾孝寬

始老寬前為簽書樞密院以見任執政為之自王安禮始

禮自尚書左丞為之知江寧並見續會要政和中嘗改為延

康殿或略建炎二年都省三延寧殿學士舊係端明殿學士

詔依舊中興會要近拜簽樞者多領焉

羣書要語權自玉堂升於紫殿常親顧問每預論思位既益於

深嚴禮合加於優異馮道起鳳制方獎拔於名儒特增新於近

我俾參顧問益廣謀猷明道詔以殿名命官本緣麟趾之舊東

坡謝表端明之職蓋自五代時通班右府侍立殿中專以備顧問

問寵儒臣者也汪應辰制

古今事實

拜相復謝

後唐長興四年劉昫新入相中謝是日太祠明宗不御中興殿而坐於端明殿昫至中興殿門閣門使曰舊禮宰相謝恩須於正殿通喚請俟來日趙延壽曰命相之制下已三日中謝豈宜後時即奏聞昫遂中謝於端明殿廷昫自端明殿學士拜相復謝於本殿人士榮之續會要

學士兩人

天下儒生僅餘萬數殿前學士只有兩人馮道笏記

特拜程王

端明殿學士國朝尤多以翰林學士兼之其不以翰林兼職及換職者百年間特拜纔兩人程戡王素是也歸田錄

首建儲議

范蜀公鎮韓維上言公在仁宗朝首開建儲之議其後大臣繼有論奏追錄其言存沒皆推慮而鎮未嘗以語人悉以公十九疏上之拜端明殿學士言行錄

祕殿之職

英宗四年忽召王珪至葉珠殿專詔令兼端明殿學士錫之盤龍金盃諭之曰祕殿之職非直器卿于翰墨間一府缺員即出命矣四朝史

西班牙學士

宣和二年詔西班牙學士待制員多中書省具名取旨以班圖觀之學士待制班在西故曰西班牙極天下選

劉忠肅公擊上言曰待制學士以待從顧問為職自祖宗以來極天下之選不為定員今不考治行不察流品幸而給諫以上則計日而得之乞依元豐官制施行王岩叟亦進十不可之說朝廷不以為然

總待制

歷代沿革唐永徽中命弘文館學士二人日待制于武德殿西門文明元年詔京官五品以上清官日一人待制于章善明福門先天末又命朝集使六品以上二人隨仗待制永泰時勳臣罷節制無戰事皆待制于集賢門凡十三人崔祐甫為相建議又官一品以上更直待制其後著令正待制官日二

人唐武林 永泰元年敕裴冕等並集賢待制此始有待制之  
 所然則蓋唐設官也宋朝景德元年置龍圖閣待制以杜鎬  
 戚綸充並依舊充職祥符二年詔班視知制誥別其下元祐  
 令從四品掌待從備顧問有所獻納則請到或奏封續會要  
 羣書要語延英待制創自先夫晏類要朕選通經術有行義之  
 士也訪對制閣參掌祕圖置在內朝之職本惟儒者之職胡文  
 恭行張昇充天章閣待制

古今事實

以寵勲臣

唐代宗永泰中勲臣罷節制無戰事乃令待制於禁門書院間  
 以文儒公卿寵之唐書

以備顧問

德宗建中初自文官六品以上清望官每日二人更置待制以  
 備顧問仍以延英南藥院故地為廨

古今文集

雜著

謝除待制侍講修撰實錄表

朱元晦

臣熹言伏奉告命授臣煥章閣待制侍講又準差兼實錄院同  
 修撰者分闕南州愧篋一毫之補論經內閣恍驚一命之頒昇  
 吏職以仍兼戴上恩而愈重藏逃莫避踴躍靡容中謝竊以王  
 求多聞是惟建事帝入西學于以上賢當始初清明之朝資朝  
 夕論思之助作於心而閱政事必救其原脩其身以及國家要

知所本非精誠之有格何論說之足云視孟軻之敬王始不負  
 聖人之學為張禹之持祿殆將貽天下之憂况薦紳之所難又  
 載筆之為重頭頭白汗青之可謂豈槁項黃馘之能為念昔先  
 臣嘗學茲事正熙寧元豐之役毋嚴於朱墨之分辨元祐紹聖  
 之譏誣炳若丹青之著苟無家業曷踐世官情而居之吁亦危  
 矣伏念臣見聞本狹才識非長開七袞之殘年荷一朝之異眷  
 頃叨崇政之選嘗獲遂於終辭茲玷適英之聯覩莫從於素守  
 此蓋伏遇皇帝陛下言稽往訓動法成謨以緝熙光明之美而  
 佛時仔肩以剛健篤實之資而日新其德念遺大投艱之託推  
 好善忘勢之勤借是孤蹤聿來多士講曾論一篲之義敢竊企  
 於師傅誦楚史八索之文庶無忘於規益

# 龍圖閣

學士 直學士 待制

歷代沿革龍圖閣宋朝大中祥符中建龍圖閣在會慶殿西偏  
 北連禁中閣東曰資政殿西曰述古殿閣上以奉太宗御書  
 御製文集及典籍圖書寶瑞之物會要及宗正寺所進屬籍  
 世譜四朝志有學士直學士待制直閣學士大中祥符三年  
 置以杜鎬為之班在樞密直學士之上六年詔結銜在本官  
 之上會要直學士景德四年置以杜鎬為之班在樞密直學  
 士之下祥符六年詔結銜在本官之上會要待制景德元年  
 置以杜鎬戚綸為之並依舊充職四年詔班在知制誥之下  
 並赴內殿起居會要自改官制為學士初復之職或知制誥

平出除之官制舊典

羣書要語用進祕圖之拜胡文恭行歐陽修制中禁寶儲上應

奎壁之象先朝謨訓遠同河洛之符東坡謝表內閣深巖同上

淵圖祕職蔡襄行歐陽公制仍進義圖之序賜鄭温伯評能圖

學士詔河圖遂在西清朝位冠於五閣初察除龐寅助制延閣

祕藏學士貴班淇水除李承之制河圖寵各增峻班列曲阜行

李南仲詔河圖美職曲阜龍圖待制徐鏗制改河圖之近綴同

上除錢符制河圖廣內之職曲阜除傅堯俞制延閣侍從之職

行張商英制內閣應對之職行王觀制

詩句羣主天中開策府神龜温洛薦圖書楊億龍圖閣觀御書

冊府藏書在紫薇退朝稽古助論思楊億龍閣便為黃閣老周

益八入賀胡邦衡除龍圖學士

古今事實

龍閣三點

蔣樞密之奇為淮漕求字於徐守信徐書龍字而闕二點蔣曰何書之不全也曰他日當為足此是歲奏對稱旨除龍圖閣直學士及同持前字見徐徐索筆為作三龍未幾遂進老龍

一言而拜

孔道輔論廢后事天下聳聞其風采近臣獻詩十首執政請以為龍圖學士上曰千首詩豈如孔道輔一言拜龍圖閣

龍圖老子

范文正公仲淹以龍圖直學士帥邠延涇慶四路威德著聞東

夏竦服熟戶蕃部率稱曰龍圖老子至於元昊亦以此呼之

學士奉祠

淳熙中林安宅以學士奉祠

古今文集

雜著

謝龍圖閣學士表

蘇子瞻

中禁寶儲上應奎壁之象先朝謨訓遠同河洛之符隸職其間  
省躬非據中謝伏念臣學非有得愚至不移雖切過實之名卒  
無適用之器少時妄意蓋嘗有志於事功晚歲積憂但欲歸安  
於田畝屬聖神之履運荷識拔之非常猶冀桑榆之叔遽迫天  
馬之疾力求閑散庶免顛躓豈謂皇帝陛下聖度包荒天慈委

照察其才有所短不欲強置之禁嚴知其進不由人故特保全  
其終始遂加此取以責其行臣敢不仰緣末光益勵素守徃何  
之而不可中無愧之為安但未死二必期報塞

代陸侍郎謝龍圖閣直學士表

汪藻

銜車起名記其泉法從之餘芝檢疏榮陞延閣清班之首恩光  
曲被感涕交流中謝伏念臣頃以疾辭安於外補剖符方尚兩  
膺南國之除持橐禁嚴四玷西清之選自守枌榆之壤屢驚蒲  
柳之秋身留閩徼之山川夢寄長安之鐘鼓所憂餘日莫陪鳴  
玉之班何意中天忽降賜環之命奔馳上道展轉逾時曾未對  
於清閑已亟蒙於褒馭錫之華秩寵以神臯豈伊蹉跎之微蹤  
堪此便蕃之異數茲蓋伏遇皇帝陛下天臨萬物子視羣臣憐

孤生去國之七年。抱妻疾守藩於萬里。靡因人譽。召季布於江東。因受帝釐。賈生於宣室。特假河圖之峻。用為州統之榮。豈惟示眷於始終。蓋欲均勞於中外。臣敢不益堅晚節。無愧初心。雖宿疾未除。難以筋骸之勉強。然大恩必報。誓於肝膽之糜捐也。

律詩

觀文忠公六一圖書

陳后山

先朝羣玉殿。冠佩環羣公。神文煥王度。喜色見天容。御榻誰復登。帝書兀自公。緬懷弁服士。酬獻鳴琤琮。

### 天章閣

學士 直學士 待制

歷代公華 宋 天禧四年。初建天章閣。在會慶殿之西。龍圖閣

之北。明年仁宗即位。修天章閣。工畢。奏直學士御製。安於天章

閣。東曰羣玉殿。西曰藥珠殿。北曰壽昌殿。南曰延康殿。內以

桃花文石為流杯之所。以在位受天書。祥符改曰天章。取為

章于天之義。天聖八年。置待制。慶曆七年。又置學士。直學士

會要周益公宏詞編題 又有待講學士。慶曆七年初置。在龍

圖閣學士之下。學士罕以命人。迄仁宗世。纔王肇一人。官制

舊典云。天章閣。只除待制。不除學士。難稱呼也。直學士。慶曆

七年初置。天章閣。直學士。在龍圖閣。直學士之下。會要 待制

天聖八年。初置。寓直於秘閣。與龍圖通宿。尋命范諷。鞠詠充



看書要語進

取西序曲阜行黃履天章閣待制進聯內閣王岐

公除許九制

延對禁途王岐公除張友直制

延閣待從之選曲阜

阜行范紳禮復天章閣待制

萃帝文於寶箴以待碩儒王岐公

除張友直制

詩句我我天中閣鳴玉改新步王荆公送元待制知福州

古今事實

玉府藏書

宋朝慶曆七年置龍閣學士詔曰欽惟聖考濬發宸文百篇森布於寶典三襲肇興於華閣肆予纂紹之始務闡師儒之隆遂延勸講之臣欽佇論思之益掩玉府藏書之盛延金明待詔之才宜令廣待從之員抑亦副通追之念特置天章閣學士直學

士也

金明待詔事見上

天章之號

天聖八年置天章閣待制詔曰真宗皇帝躬上卷之資據太寧之會受翠媽之瑞錄發合口之瓊源勒銘奇封莫玉方澤炬赫景炎不隆寶構凡經禮樂之制續成辰象之篇愛即禁途肇新層閣榜以天章之號煥乎策府之華宜擇雅才俾參近署可特置天章閣待制位龍圖閣待制之下

古今文集

雜著

謝轉禮部員外郎充天章閣待制表韓琦

渙渥自天震惶無地改中臺之華序進內閣之清班盡出高明  
 殊登祕近竊念臣發自顏巷賔于舜門一第為榮四方無效爰  
 自書林預選桂籍升華耻汨沒以懷安或感激而論事惟慕古  
 人之節詎希英王之知伏惟尊號皇帝陛下真帝堯之聰明加  
 漢高之豁達坦聖懷而虛受期鴻化以咸孚念三聖之艱難而  
 成不業求士人之蹇諤以補太猷臣猶愧非才首當清問危言  
 多犯孤立自持斧鉞居前雷霆在上敢避樞機之禍終非藥石  
 之良陛下日月垂光江海敦量恕其萬死假之一塵望已絕於  
 青雲各未更於鴻濤俄易藩皇之寄寧分軒具之憂分降綸  
 特加寵數而况闢圖書之府叨處於深嚴踐雲龍之庭當備干  
 顧問非名儒而不稱豈曲士之能堪矧造蓬曹仍居舊治輝榮

大集志願何求敢不內守朴忠外修景行進退惟道遵聖賢視  
 履之方始終一心副君父育材之造

### 寶文閣

學士 直學士  
待制

歷代沿革 **宋朝**寶文閣在天章閣之東西序羣玉葉珠殿之地  
 即舊日壽昌閣慶曆改曰寶文嘉祐八年英宗即位詔以仁  
 宗御書御集藏于寶文閣 命王珪撰記立名 治平四年神宗  
 即位始置學士直學士待制恩賜依龍圖英宗御書附于閣  
 會要史詞編題 **學士** 治平四年初置以呂公著兼直學士治  
 平四年初置以邵必為之 會要史略 **待制** 治平四年初置  
 羣書要語 鈿軸寶由未終繕錄白雪乘氣遠送上賁 治平除學

士詔大訓九歌之重垂世其長廣內秘室之藏論謀無極同上

西清近班曲阜呂嘉問制李又寶訓入直禁嚴東坡集寶奎之

直儀表類延閣禁途曲阜制延閣近職范純粹制通籍延閣除

王欽若制延閣待從之班曲阜李之純制三聖圖書奉在延閣

儒學之士列職其中諷議討論維時妙選蔣之奇制

古今事實

藏書之府

治平四年置寶文閣詔曰昔我祖示威有制作煥于簡編河漢昭回奎壁相映乃規層宇遂在西清憲上帝藏書之府彰累朝稽古之盛並揭嘉名以登峻望俾服疑嚴之我因為咨訪之地寶文閣宜置學士直學士待制

夢章學士制

治平二年予為知制誥夏六月夢丞相遣朱衣吏召命草其人為家清殿學士制明年五月丞相遣朱衣吏召當制舍人呂縉叔除邵不疑為寶文閣學士後數日得承旨張公所作詔云乃規層構遂在西清記去歲之夢與詔文相合若符契焉春明起朝錄

魁甲寶文

章衡知澶州神宗曰卿為仁宗朝魁甲寶文藏御集之處未始除今處鄉

古今文集

雜著

辭免直寶文閣狀

朱元晦

熹昨以妄庸薦叨除用辟言引疾曲荷俯從自已願私不勝感  
激所有宮觀差遣喜已即時望闕謝恩祇受訖惟是進取恩命  
眷獎隆深自顧么微莫堪稱塞兼親近制內閣清班非有軟庸  
不輕遷授而喜無狀行不掩言無以取信交遊以至自貶詬辱  
既勤聖慮復紫朝細罪則已多功於何有覩顏身受義實難安  
欲望朝廷特賜敷奏追寢成命令熹且以舊官竊食祠館不勝  
榮幸伏候指揮

### 顯謨閣

學士 直學士  
待制

歷代公華國朝元符元年曾布鄧洵仁各申請建閣詔翰林學士

士中書舍人撰閣名五以聞續建閣藏神宗御集以顯謨為  
名神宗大新政事故以不顯文王謨為名徽宗建中靖國元

年詔以顯謨閣為熙明閣仍置學士直學士待制續奉旨仍

以顯謨為額此據周益公公宏詞編題而續會要云復顯謨舊

名年月無考按次年已詔顯謨閣學士直學士如二閣故事  
復名顯謨恐在此年崇寧元年詔顯謨閣學士直學士待制

如三閣故事京位在寶文閣學士直學士待制之下學士直  
學士待制並建中靖國元年置

### 古今事實

藏金主之編

建中靖國元年詔略曰神宗皇帝言則為文昭如雲漢寶之垂

專文類集卷之二  
世炳若丹青仙馭升遐泰陵繼序乃眷祖宗之舊悉藏金玉之  
編遂在西清並崇華宇爰咨邇列但訪遺文鈿軸未終雲軒忽  
遠輝冲人之纂紹惟往憲之欽承用揭加名乃延俊望詔謀有  
翼豈徒琬琰之並陳與天無窮是推奎壁之相照宜以顯謨為  
熙明

圖功臣之像

三年又詔以熙寧元豐功臣圖形於顯謨閣詔略曰神宗御集  
九千八百餘篇藏于禁閣揭以顯謨所以不昭聖作也維時  
功臣宜列于此其熙寧元豐功臣圖形於顯謨閣

徽猷閣

學士 直學士  
待制

歷代沿革 宋朝太觀二年初建徽猷閣以藏哲宗御集置學士

直學士待制

會要

羣書要語峻西清之秩 龍溪除詹又制 顧已班於次對且就進

於榮名

初寮除徐鑄制自待制升學士

徽閣西清之崇資

吳芾

制次對西清實聯榮於法從 初寮除陳彥修制 升甘泉法從之

班 龍溪除胡舜陟制

古今事實

寶藏之所

太觀初置學士等官詔略曰祖宗迹作皆有寶藏之所參列廣  
內揭為加名世擇儒臣以資訪納今將祗率成憲名以出信不  
可無所考也在詩有之君子有徽猷是惟詢德之美而觀道之

專文類聚遺集 卷之二  
成其統也。御集建閣以徽猷為名。

### 敷文閣

歷代沿革 宋紹興十年置。實錄院檢討朱翌申請乞建閣以藏徽宗聖製。詔閣以敷文為名。置閣學士直學士待制等官。中興會要

羣書要語 內閣寶諸學士最為高選。吳芾辭免直學士。狀進。奎文之直。延閣之華班。聯愈峻。並同上。

### 古今事實

宸章本畫

紹興間置學士官。詔魯曰：徽宗宸章本畫煥乎若二辰之文。麗

天垂光。真飾羣物。始與詩書相表裏。崇建層閣以嚴寶藏。恭以敷文為名。置學士直學士待制。直閣以次列。取備西清之容。訪為儒學之華龍。其著乎今。

### 煥章閣

學士 直學士 待制

歷代沿革 宋 淳熙間建。藏高宗御製學士直學士待制。並淳熙十五年置。待制初除劉國瑞。

### 古今事實

堯章閣

淳熙建煥章閣。置學士等官。詔略曰：載稽帝世之隆。無若堯章之煥。因揭名於層宇。仍列取於清廟。又淳熙批卷云：堯章閣。

# 華文閣

學士 直學士 待制

歷代沿革 宋朝慶元年置藏孝宗御製學士直學士待制並慶

元二年詔置

羣書要語臣媿閣之等班

慶元批本

華閣增學士之寵同上

## 古今事實

學士之府

慶元三年置華文閣學士等官詔曰朕惟孝宗皇帝睿聞自圖粹昭王度經緯天地道存淵聖之書鼓舞風雷仁盪溫純之命寫之琬琰炳若丹青大徵三光之庭不闐鳳巢之勢上帝眷王之府遂通龍紀之聯寶典謨訓詁之垂嚴禮樂刑政之用華協

堯童之煥文光舜哲之明典輯鴻徽禮嚴燕翼以華文為名置學士直學士待制直閣式遵刑獻寵陟儒英庸飾攸司其刊諸

## 古今文集

雜著

除將作監直華文閣謝表

劉克莊

山川秀出太極生於兩儀雲漢昭回垂光飾於萬物次對有列非賢不居如臣者少而才疎老以病去逢聖明之求舊亟號召以拔淹顧以有采薪之憂遂違不檢駕之禮逃刑已幸即拜更優久歸守東岡之陂扁舟載月忽夢入西清之序榮光屬天茲蓋伏遇皇帝陛下聖孝通神仁厚詡物念吾久有所愛之犬而况

於人謂微臣如遺野之蛇未旌其隱曾見元正之朝士得見會  
昌之新登呂厥臣工昭其德意臣敢不吉蠲若厲顯相必齋仰  
瞻圭壁之芒寒俯嚴香火之尊奉弱水三萬悅親銀闕之雲木  
椿八千祝爲萬屋之壽臣無任感天荷聖激切屏營之至

### 寶誥伏閣

學士 直學士 待制

歷代沿革 宋朝嘉泰二年八月置以藏光宗御製學士直學士  
待制並嘉泰二年置

### 古今文集

雜著

謝除寶誥閣學士表

楊廷秀

聖謨新閣森天上之寶書法從崇班綴西清之學士隨雲霄之  
異數賁山澗之遠臣戴恩不貲圖報無所臣 中謝 恭以光皇之  
立極煥乎丕訓之詒謀曰都曰俞萬無間矣有典有則宋其興  
乎屹璇題之造夫乾坤闡闢藏金匱而鑲玉雲漢昭回盍簡菜  
奇以司文獻如臣者學鳥將落老矣無能分甘痼疾於煙霞敢  
夢未光於日月楓林楚水久違長樂之鐘聲銀闕金宮忽近瀛  
洲之雲氣茲蓋伏遇皇帝陛下慕親如舜對食見堯謂臣在昭  
考之廷當陪鴻鵠之羽翼臣職在史之職盡護龜龍之圖書  
而臣歷事四朝莫聞寸效愧彼十八仙之盛以文辭鳴惟茲二  
萬歲之呼使聖人壽

謝除寶誥閣學士表

楊廷秀



續無可考進所職以為真禮過幸優更於家而即拜民之多幸  
人謂斯何巨某中謝竊惟學士之名首出從班之右非星辰聽  
履舊人長於六卿則雲漢為章父代言於兩禁望實具美朝野  
乃字如臣者少也顛愚老而災疾六十六而解組夢隔日邊七  
十四而掛冠隨荒雲外夫何下澤之叟遽躡登瀛之仙花底玉  
堂月伴桃源之棹雪間銀闕風恬蓬瀛之舟覆載無私豚魚其  
信茲蓋伏遇皇帝陛下天仁老老聖澤淵淵文獵滑瀆上誤能  
罪之北漢招商嶺何禪鴻鵠之歌祇辱詳延不稱明詔臣被恩  
汪歲次骨榮懷擬周易八卦卦辭府慙家學同天皇九九萬歲  
仰祝帝齡臣無任感天荷聖激切屏營之至

### 寶章閣

學士 直學士  
待制

歷代公章宋朝寶慶二年詔置藏寧宗御製學士直學士待制

並寶慶二年置

### 古今文集

雜著

除寶章閣直學士知寧國府到任謝表

吳永叔

罷直禁林叨陞媯閣雖離危從亦忝蕃宣祇荷恩華彌深感涕  
竊惟寧國本鳩茲地跨鵲岸營厥土磽瘠而堅厥民精勁而藝  
唐時戶口不滿六萬戍兵纔及一千而西平淮夷北取澤路守

圍打敵各通有功今生齒之版幾倍於前而廂禁之籍乃不知  
昏若使歲年豐稔猶或可以保民脫遭水旱凶荒則將何以爲  
國而况文選姑孰接連大江當此防秋之時寧無歡馬之慮永  
言牧御宜藉英賢如臣之迂豈堪此寄伏念臣始自入仕至於  
升朝宰嚴邑幾四年蓋嘗學道亦外府閱二載曾辱求知不自  
意於遭逢乃徧更於華顯既叨銓部憲曹之選又忝詞垣翰苑  
之臣以文字爲官常以語言爲職業人待則閉閣草制吏責不  
加退朝則杜門讀書職夏靡及向嘗登對便殿親聞玉音謂臣  
奏疏頗爲憂時謂臣麻詞最爲得體所以感激恩遇竭殫疲篤  
抑不思名旣盛則毀日來官愈清則忌益衆致煩吏議有累聖  
知不謂特蒙皇帝陛下堯仁如天漢德如海察其初無大過於

其粗有小能寧在刑章復紆郡綬嘗感而待揚億既寬陽翟之  
誅違詭而用元之猶昇黃岡之守臣無斯學力有此寵榮荷遺  
簪之味忘誓結草以圖報故纒抵郡境延見吏民具言天子聖  
神朝廷清泰治政無大小必躬必親視民無戚疏兼愛兼養有  
慝畢達無幽不神更遣近臣出爲刺史凡白袍烏帽之叟見紫  
筆朱衣之火自謂生長至今已八十餘歲不聞侍從出守幾二  
十餘年以臣之來必慰其望臣敢不飾已以正臨民以莊不事  
培克爲聲名不崇簡大爲風采官暇則勞耕夫于野農隙則閱  
弩手于州千里佩符雖對斗壘旌旗之色五更聽漏尚思神京  
鐘鼓之音

除寶章閣學士知温州謝表

吳永叔

代耕南畝已玷廩人繼粟之恩假守東歐復害學士登瀛之選殊私難報危涕自零伏念臣本自諸生家承素業柳氏之族少為朝士曩嘗聯綴於周行子雲之官不過侍郎今已徑登於常伯豈薄技出宗盟之右而謏聞超往哲之先實以遭值聖明踐更華顯曾一麾而去國尋再命而興州雖回顧玉堂班莫陪於供奉而載瞻寶宇夢猶到於邃清申之以錫命之蕃重之以賜金之富叢徽章之踏至藐襄質之難堪茲蓋伏遇皇帝陛下泰包八荒賁飾萬物察臣秉心自直故無弃迹以重收念臣力學沫襄故貼嘉名而特受疇之邇列無此龍光彼井土之一殮猶捐軀而不顧匹夫片語終失義而弗忘矧茲懷恩未報之身當此焦思有為之日若匪共而不一公爾忘私則非惟無利於公

家是亦自負其所學永言及此之死靡他

辭寶章閣待制知潭州狀

真德秀

恭聆成煥有惕懦襄竊以列職西清班實聯於禁從分符南楚寄尤重於帥垣必材望之兼優始選掄之克稱伏念其賦姿甚陋積學未充掌制記言僥榮何補觀風作牧奏最茂聞方勉報於國恩乃驟違於親養二年素鞞甫遂終喪一札温綸遽叨錫命顧憂患摧傷之後正山林屏伏之餘詎意公徵上蒙記錄以次對而易論譏班資既甚超踰矧長沙之賦豫章事任尤為繁重昔尚慙於非據今奚敢以冒居伏望朝廷特賜敷奏追還茂渥改畀叢祠庶安孤陋之蹤少追滂盈之咎

再辭待制狀

除寶章閣待制知潭州湖南安撫

真德秀

君父有命臣子敢違顧如星沙郡寄之雄荆湖帥闔之重在選  
 掄為至遴豈讓薄所能堪迫於宸指之嚴靡容固避迺若職名  
 之峻无所未安蓋有唐命次對之官至本朝參近侍之列非嘗  
 真歷禁從未始輕有詔除間驟昇於儒宗式從羣望或優褒於  
 治最庸示殊恩如臣某者學本迂疎材非敏茂綴班兩省一無  
 裨補之能去國九年二月清華之直雖隸榮之已其猶久次之  
 可言迨叨集撰之陞在涖洪都之守甫半期而遽去曾寸效之  
 未聞顧以何名可當茲授致身適列豈非寒土之榮假寵同功  
 適重清朝之累載循非據敢昧卑辭除已一向擇日祇受新除  
 潭州恩命外所有寶謨閣待制職名欲望朝廷特賜敷奏許令

避免姑仍舊職俾戀新庸庶逃超躡之譏實荷全安之造

新編古今事文類聚遺集卷之二終

早稲田大学図書館

011488600127